

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCLXXXIII.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

CCLXXXIII.

CAROLUS IV. IMP. COMITATUM LOEWENSTEIN
ALBERTI COMITIS MORTE AD IMPERIUM REDITURUM,
RUDOLPHO MARCHIONI BADENSI CONFERT
IN FEUDUM.

ANNO MCCCLXV.

Ex tabulario Bada - Badensi.

Wir *Karl* von Gots Gnaden Romischer Keyser zu allen Zeiten me-
rer des Reichs und Kunig zu Behem bekennen und tun kunt
offentlich mit diesem Brief allen den die in sehen oder horen lesen, daz
für unfer Keyserliche Gegenwertikeit kommen ist der Hochgeborn *Rudolf*
Markgraf zu Baden unfer und des Reichs Fürst und lieber getrwer, und
hat uns gebeten, daz wir ym die Graffschafft und Herrschafft Lowen-
steyn, daz ist die Vesten Lowensteyn, Murrhart, Gleychen, Heyhenriet
mit allen Steten, Merkten, Dorffern, Lehen, Lehenschafften, Mannen,
und Manschafften, Gutern, Gulden, Zinsen, Gelten, Kirchlehen Kyrch-
setzen, Nutzen, Freiheiten, Rechten, und allen andern Zugehörungen,
Land und Leuten, wie die gemeinlichen oder funderlichen zu nennen
seyn, oder wo sie gelegen seyn, die von uns und dem Reiche zu Lehen
rurent, und an unz und daz Reich von Todes wegen des Edlen Albrechts
etzwenne Graffen und Erben derselben Herrschafft rechtlich gevallen,
und erstorben seyn, geruchten gnediglich zu leihen. Des haben wir
angesehen mannigfaltige Dienste und Truwe die *Rudolff* der egenant
uns und dem heiligen Reiche dicke williclich unverdrozzlich und nutz-

lich getan hat, und noch tun sol und mag in kunfftigen czeiten und haben mit wolbedachtem mute mit rate unfer und des Reichs Fürsten und getruwen, und von fundern Gnaden *Rudolffen* dem egenanten und feinen rechten Lehens Erben die egenannt Graffschafft und Herrschafft mit Vesten, Steten, Merkten, Dorffern, Lehen, Lehnschafften, Mannen, Mannschafften, Gutern, Gülden, Czinsfen, Gelten, Kirchlehen, Kirchfezen, Nutzen, Freyheiten, Herscheften, Rechten und allen andern Zugehörungen Landen und Leuten, wo die gelegen feyn, oder wie sie zu nennen fein, als vorgeschrieben stet, als eine angevallene und undirforbene Graffschafft uns un dem Reiche geliehen und gereicht leihen und reichen in die mit diesem Briefe mit rechter Wizen und von Keyserlicher Mecht volkomenheit von uns und den Reiche czu einem rechten und edlen Lehne zu haben, und ewiglich czu besitzen, darüber auch uns *Rudolff* der egenant gehuldet und gelobt hat, und czu den Heiligen leiplich eyde gefworn uns und dem Reiche von derselben Graffschafft und Herrschafft getruwe gehorsam und undertenik czu feyn als rechte Lehen Grafen dovon irem rechten natürlichen Lehen Herren zu tuende pflichtig feyn, unschadlich doch andern Leuten an iren rechten. Mit Urkund ditz Briefes versiegelt mit unserer Keyserlichen Majestat Infigel, Geben zu Speyr an Sant Laurencien Abent des heiligen Mertirers nach Cristus Geburt Daufend Jar Dreyhundert Jar, darnach in dem fuinff und Sechtzigsten Jare. Unfir Reiche des Romischen in dem Czweyntzigstem des Behemischen in dem Nunzenden und des Keyfertums in dem Eylfften jare.

CCLXXXIV.